

TENDAA NENSAABA ZAA YELESOOBO SOBIE MOOLOO

A YELE YUOBO

A yeli nang bebe la, ka nee zaa bang ka nengsaala emmo ane o yelsoore seng la taa a nengsaala booro po; a nengsaala mengesoobo ane o yelmenge noba zie la binne eng-maarong ane yelmenne noba zie a tengazu.

Ka nengsaala kaa-ba-nye e ka tongfaare tong ka noba banang nang taa teerong veele nye posaaana. A yele ama ee la ka nengsaala zaa nang booro bone ne ka ka bie tenga benee nengsaaba zaa nang so ba menne a yele yele zaa ba nang booro, a puoro puoru zaa ba nang booro, a ta zoro bebiri kang nang.

Ka a da senger la ka anang ba fere nee kao e yeli nang fere o, a kuu ne o baao po ka o faa o menge dogrong po, ka ka a yelmenne toretero la guuro a tendaa zaa noba yelsoobo sobie.

Ka a da senger la ka to-ne-to nommo yele a tendaa za.

Ka a noba nang be a Tendaa Langne po lee maaleng nyoger ba yeldeebo a a yelmanne binne nga nang guuro a tendaa zaa yelsoobo sobie po, ka doo ane page nang ba gang taa song ka nengsaala maaloo ane o mengesoobo yele gere ninge a tenga zu.

A tenne na zaa nang be a Tendaa Langne nga po eng la noore ka bana ane a Tendaa Langne na nye a tendaa zaa nongtaa, a engne a Tendaa zaa yelsoobo ane mengesoobo sobie.

Ka ka nee zaa bang ka a yelsoobo sobie ama ane a nensaala menge soobo la yelkpong nang be a noore nga emmo po.

Pampanga a Le Zueng,

A TENDAA LANGNE NOBA LANG TAA

moolo la:

ka a TENDAA ZA YELESOOBO SOBIE waa la bone noba zaa ane tenne zaa nang na mo nimiri k'a nye eebo. A lizueng nee zaa, bee nengsaaba langne zaa na taa la a yele ama teerong tegtegle a ere anee ba wulu po ane ba zanno po a e k'a yelsoobo sobie ane a noba mensesoobo yele duoro saa kye ere beele beele tenga zaa po a na e k'a tendaa zaa bang kye tuuro a yele ama. Tenne na zaa nang be a lammo nga ane noba na zaa nang kpeer a tenne na po, a lang ne a noba banang zaa nang be tenne na zaa ba nang di naalong a zu.

Dore 1

Nengsaala zaa ba nang dage so la o menga, ka o ne o taaba zaa sengtaa noba emmo ane yelsoobo sobic po. Ba dager ba zaa ne yeng ane yele-iruu k'a da seng ka ba ere yele koro taa a nga yomine.

Dore 2

Neezaa soobo la a Tendaa zaa yelsoobo sobie ama nang be a gane po; a ba wullo ka nee nga waa ngaa ne ngaa; a nga balong, bee o enge waalong, k'o waa la page bee doo, o kokoyelaa, puoru na o nang puoro, o teerong nang are le a tenga maalo yele po, o tengyiraa ane o aroozie a tenga po, boma o nang taa, o dagebo zie bee o arezie.

A la waana le puoreng, gyegru kyebe ane nee teerong nang wuli o ka o tuuro a tenga maalo yele le, bee bone na naalong ba nang dire a tenga na po a nee na nang yi, ka a tenga na so la o menge bee ka o be la tenga kang nuureng, bee ka o nang ba so o menge, be ka yele mine bebe la a pagr o mengesoobo sobiri.

Dore 3

Neezaa taa la sori ka o taa nyovore, ka bone zaa ta ngmaara o sobiri o yelerre po, ka tuo ta be o zie.

Dore 4

Neezaa ba taa sori a taa o tosoba ka o waa o gbangbaa bee ka o tono gbangba-toma. A fere la kaa gbangbaalong ane nengsaaba kooro ta bebe togtog yelizaa po.

Dore 5

Neezaa ba seng ne enge dogrong nang gang, bee potuyele, bee dogrong zaa nang ba seng ne nengsaala.

Dore 6

Ka neeng be zie zaa a fere la ka a tenga na deme de o k'o waa nengsaala a loo po.

Dore 7

Lo ninge po noba zaang sengtaa k'a fere ka a loo kaara ba zaa zu ka gyegru kyebe. A yele ama moolo po kyiirung la ka gyegru bebe nee zaa zie, bee ka nee dore ka ba gyegri nee.

Dore 8

Ka nee zaang taa yeli a gaane a sere diibo zie, a fere la ka a tenga na seredirebe a di a sere velaa ka a yelmenge gaa a nee na deme nang kpe zie a seng le a tenga loo nang manne bing.

Dore 9

Neezaa ba seng ne ka ba dee bone nyogoo gaa te page kye ba di a sere, bee ka ba diguu bare ka o yi gaa teng-yuo a te kpeer.

Dore 10

Neezaa nang saa yeli, a fere la ka a tenga na seredirebe di o sere neng-yaga po ka nonne boore kyebe a sere nga ba nang dire a na nye bone na yeli o nang saa po.

Dore 11

Neezaa ba nang nyoge yeli kang po a na di o sere ko na page nye dogrong a po, a fere la ka a seredirebe de ka o ba saa yeli, a ta le sang ba nang di o sere yeng po a te nye bang ka o saa la yeli. A o sere diibo na meng po a fere la ka ba k'o sori ka o bo bone na zaa nang na to song o ka o yeli faa o menge.

Ba kong to nyoge nee zaa nang saa yeli nang taa dogrong; yeli o nang e, bee o nang nage o vuo na po, a yeli na o nang e, bee o nang nage nang da ba waa yelsaana nang booro dogrong a le sang onang da e a yeli bale, bee ka ba ko o dogrong nang waa tuo gang a dogrong na nang da bebe ka ba da ko o a le sang o nang saa a yeli bala.

Dore 12

Neezaa ba taa sori a bonno kpeer o to yele po, bee o die yele po, bee o yiri yele, bee o gama yele, bee ka o saa o to yosong ane o evele. A fere la ka a loo guuro nee zaa a done ama taaba po.

Dore 13

Neezaa taa sori ka o yoro gere benee zaa o nang booro, bee ka o kpeer benee zaa o nang booro a tenga toribogri po.

Neezaa taa sori ka o yi tenga kang zaa po, bee o menge tenga po a kye lee wa a o tenga po.

Dore 14

Neezaa taa sori ka o yi tenga na po ba nang booro o dogroo, bee o koobo a gaa tenne mine a na te nye popeelong.

A sobiri nga kyebe nee nang saa yeli yelmenge ka ba booro o ka ba di o sere ka a yele na o nang saa ba e votu yele bee yele nang ba tu a Tendaa Langkpong yele sobie ba nang manne bing le.

Dore 15

Neezaa taa sori a na waa enga kang paalong nee.

Neezaa ba taa sori a na yeli ka neekang ta be o tenga po, bee ka o ta yi o tenga a gaa te kpeer teng-yuo.

Dorɛ 16

Neezaa nang ta dɔɔ, bee pɔge, bale zaa pɔɔ, tenga zaa pɔɔ, puoru zaa pɔɔ, taa sori a na de pɔge, bee kuli sere a dɔgrɔ bibiiri. Ba zaang na sengtaa a ba kultaa yelɛ pɔɔ a ta lɛ sang ba kultaa nang baare.

Neezaa ba taa sori a fere noba ka ba kultaa; banang nang kulo taa yong na pele poore a sage ka ba kultaa.

Dɔɔ ane o pɔge ane o bibiiri waa seng bombiri a tenga noba zie ka a fere ka a tenga noba ane a tenga nembere kaara ba zu.

Dorɛ 17

Neezaa taa sori a na so boma o yong, bee ka o ne noba mine lang so boma.

Neezaa taa sori faa neɛ boma o nang so.

Dorɛ 18

Neezaa taa a sori na teere yelɛ a seng o nang boɔrɔ lɛ, a tuuro o yeng wuluu, a puoro puoru na zaa o nang boɔrɔ; o la taa la a sori meng a na leere o puoru ane o teerrong; o na toɔ̃ e la lɛ o yong, bee a lang ne noba yeng pɔɔ, bee o yong zie. O la taa sori meng a na e ka o puoru yelɛ sãã noba zie. O taa sori na wullo noba a o puoru yelɛ. O taa sori tuuro a o puoru nga sobie zaa a seng lɛ o nang boɔrɔ.

Dorɛ 19

Neezaa taa sori ka o teere ka yeli kang waa ngaa bee o ba waa. O taa sori meng na yeli a yeli na yelɛ. O la taa la a sori meng ka o teere ka yelɛ mine waa ngaa, kye ka neɛ zaa ta fere o a o teerrong na pɔɔ. O taa sori meng ka o bɔ a kye nye yelpaaba nang yire zie zaa waana, ka a gangneɛ toribogri bee ka a ba gangna o taa la a sori.

Dorɛ 20

Neezaa taa la a sori ka o pɔɔ noba nang langtaa ane teerrong velaa. O la taa la sori ka o kpe langne zaa.

Neɛ kontoɔ̃ fere neezaa ka o kpe langne kang pɔɔ.

Dorɛ 21

Neezaa taa sori k' o pɔɔ a tenga gɔbenente yelɛ pɔɔ o minge bee ka o pɔɔ iri noba ka ba leɛ o zu.

Neezaa taa sori ka a tenga pɔɔ bone na zaa nang bebe ka ba de sonno ne a noba ba yeli zaa pɔɔ k' a tara o meng.

A gɔbenente fang a tenga pɔɔ na yi la tenga noba boɔrɔ zie. A sobiri na a noba nang na mang tu ka ama nye eebo la ka ba manne bing ka ka vuo kang pɔɔ k' a noba mang taa neng-iri ka finnuu kyebe a neng-iri nga pɔɔ; k' a banang zaa nang ta noba a taa sori na iri a noba nang na lee ba zu a tenga gɔbenente pɔɔ. A neng-iri sang nee zaa ba taa sori na nye o tɔsoba nang boɔrɔ k' o iri nee na.

Dorɛ 22

Neezaa waa la a tenga zu noba neɛ. A fereɛ la ka o tenga kaara o zu; o la taa la sori meng ka o nyere a o tenga tɔnɔ ka a song o ka o nyere emmo a seng nengsaala; ka o engɛ ane o yeng yelɛ meng kyene velaa.

Dorɛ 23

Neezaa ta sori ka o taa toma tɔnɔ. O taa sori meng ka o iri toma na o dang boɔrɔ. Sori bebe meng la, ka ka o toma zie ane o toma zie yelɛ veɛlɛ. Sori bebe meng la ka o taa toma tɔnɔ a ta yɔɔrɔ wee lɛ.

Neezaa, ka gyegru kyebe taa sori ka o nyere san-yɔɔ a seng banang zaa meng nang tɔnɔ a tong-bale.

Neezaa nang tɔnɔ toma taa sori a naa nyere a yɔɔre ka a seng o ne o pɔge ane o bibiiri; ka a seng ba ka ba na toɔ̃ nye bone na zaa a nang fere nengsaala ka o taa waa nengsaala.

Neezaa taa sori ka o piili tontonema langne. O la taa l' a sori ka o kpe tontonema langne nang na song ka o guuro o toma.

Dorɛ 24

Neezaa taa sori ka o nye penno kye ka o pennoo sang ka o taa sori a ere lɛ o pɔɔ nang pelle. O la taa sori ka ka o ta tong toma a te gang gammo kang. O taa sori meng na nyere pennoo bebie a o toma zie kye nang nyere san-yɔɔ a pennoo bebie na pɔɔ.

Dorɛ 25

A fereɛ la k' a tenga nye ka benee dɔɔ ane o pɔge ane o bibiiri nang kpeere seng ne ba eng-maarong nang boɔrɔ lɛ, ka ba nyere bondiri ane bonsuuri, ka ba kpeɛbo zie ane ba laafeɛ yelɛ veɛlɛ. Ba taa l' a sori meng ka sang kang wa ta ka ba ba la taa san-yɔɔ toma, bee ka ba beere, bee ka yeli kang e ka o kong la toɔ̃ tong toma bee ka o sere, bee ka pɔge kpi kye kyere o yong, bee ka o kore zuo a kong la toɔ̃ tong toma, bee ka yeli kang e ka o deɛ kong la toɔ̃ bɔ bondiraa o minge, a fereɛ la ka a tenga na o nang be kaara o zu.

Bimamine ane bibiiri nang nang baara, a sengerɛ la ka ba kaara ba zu kye sonno ba. Bibiiri zaa, ka ba ma ne ba saa de la taa kye dɔge ba bee ka baba de taa kye dɔge ba meng na nyere la a sommo nga bale.

Dorɛ 26

Neeza taa sori ka o bang gane. A gane zanno piilu sang a da seng ka yɔɔre kyebe. A fereɛ la ka neezaa zanne gane belaa a ta taabo kang. A da ba seng ka neezaa wong tuo kye nye nuuri-toma zanno, bee gama-toma zanno. A da sengerɛ la ka banang nang na toɔ̃ meng ta wong tuo kye nye zanno nang do yaga.

A da sengerɛ la ka gane zanno kyaara nensaala mengemaalo yelɛ a kye sonno nensaala mengesoobo sobie yelɛ a kye sonno yelwongtaa ane kanyiri di-ko-taa, a e ka tenne ane bale la bale zaa ane puoru deme zaa nyoge taa baalong a kye e ka a Tendaa Langkpong yelɛ kyene ka maarong be a tenga zu.

Saamine ane mamine taa a sori a na de weɛ̃ dang iri benee ba nang boɔrɔ ka ba bibiiri gaa zanne gane.

Dorɛ 27

Neezaa taa sori ka o pɔɔ a tenga tengkoɔ̃ yelɛ pɔɔ a meng wong a noba nuuri-toma noɔ̃, kye nyere tɔnɔ nensaala yeng nang song o ka o maale, bee ka o e ka bone na zaa waana ne noɔ̃ bee tɔnɔ.

Neezaa nang de o nuuri, bee o zu a tong ne toma ka a yire tɔnɔ mine, a fereɛ la ka a tenga ta veng ka neezaa finne o a toma na pɔɔ.

Dorɛ 28

A da sengerɛ la ka a yelɛ ama ba nang manne bing a kye a nye eebo, ka benee zaa tenga zu kye neɛ nang kpeere na toɔ̃ so o minge kye kpeere ne popeelong.

Dorɛ 29

Neezaa taa la fero toma o taaba zie benee o nang kpeere. A leng na song ka o minge nye maalo.

Neezaa nang so o minge, a wonno o mengesoobo noɔ̃, yeli zaa ba kyebe a na pigi a o mengesoobo nga sori see ka tenga nang manne bing lɛ naane, a loɔ na meng na waa la loɔ nang na veng ka nensaala nye emmo kye so o minge, a sonno ka nensaaba ere eveɛlɛ, a e ka marong be noba nang lang kpeere zie kye ere ka noba zaa kpeere velaa ba tenga pɔɔ, ka ba meng taa noore a ba tenga maalo yelɛ pɔɔ.

Neezaa ba taa sori a e yeli nang ba toro a Tendaa zaa Lammo nang manne a nengsaaba meneesoobo sobie bing lɛ.

Dorɛ 30

Tenga zaa bee langne zaa bee neng-yeni zaa ba taa sori a willi a yelɛ ama ba nang manne bing a kye; ka a waa seng nga a yelɛ nga ko ba la sobiri ka ba tong tone zaa bee yeli zaa nang waana ne nensaala mengasoobo ane o yelisoore noɔ̃ wommo ba nang manne bing a kye sããbaro.